

Amarabiro yo mu gatabu k'ikoraniro ry'Ubuzima bwacu n'igikorwa cacu

7-13 KIGARAMA

**UBUTUNZI BWO MW'IJAMBO
RY'IMANA | ABALEWI 10-11**

“Nukunde Yehova kuruta ukwo ukunda abo mu muryango”

(Abalewi 10:1, 2)

it-1 1203

Ibitemewe n'amategeko

Umuriro n'imibavu bitemewe n'amategeko. Mu Balewi 10:1, ijambo ry'igiheburayo *zar canke za.rah'* (irisobanura ngo “kitazwi”) ni ryo ryakoreshejwe ku bijanye n’“umuriro utemewe n'amategeko, uwo [Yehova] atari yarabategetse.” Ariko rero ni wo Nadabu na Abihu bene Aroni bashikirije imbere ya Yehova, bica bituma abicisha umuriro. (Lw 10:2; Gh 3:4; 26:61) Inyuma y'ivyo, Yehova yabwiye Aroni ati: “Ntunywe umuvinu canke inzoga iboreza, mwe n'abahungu bawe bari kumwe nawe, igihe mugira mwinjire mw'ihema ry'ihuriro, kugira ntimupfe. Ni icagezwe gushika igihe kitagira urugero ku mayaruka yanyu, kugira mushobore gutandukanya ikintu ceranda n'icanduye, igihumanye n'ikidahumanye, no kugira mwigishe bene Isirayeli ingingo nyobozi zose Yehova yababwiye biciye kuri Musa.” (Lw 10:8-11) Ivyo bisa n'ivyerekana ko Nadabu na Abihu bari baborewe, bica bituma bubahuka gushikana umuriro utemewe. Uwo muriro ushobora kuba utari wemewe kubera bawushikanye ku mwanya, mu kibanza no mu buryo butemewe, canke bakaba bakoresheje imibavu igizwe n'ibintu bitandukanye n'ibivugwa muri Kuvayo 30:34, 35. Kuba bari baborewe nticari kuba icitwazo co gukora ico gicumuro.

(Abalewi 10:4, 5)

(Abalewi 10:6, 7)

w11 15/7 31 ing. 16

Woba warinjiye mu karuhuko k'Imana?

¹⁶ Mwene wabo na Musa ari we Aroni yashikiwe n'ikintu kitoroshe kijanye n'abahungu biwe babiri. Iyumvire ukuntu ategerezwa kuba yarumvise amerewe igihe abahungu biwe Nadabu na Abihu bashikanira Yehova umuriro utemewe n'amategeko agaca abica! Ego ni ko, ivyo vyarahagaritse imigenderanire iyo ari yo yose abo bagabo bari gushobora kugiranira n'abavyeyi babo. Mugabo ntivyagarukiye aho. Yehova yategetse Aroni n'abahungu biwe b'intahemuka ati: “Ntimureke ngo imitwe yanyu igume idatunganijwe, kandi ntimutabure impuzu zanyu [mu kugandara], kugira ntimupfe no kugira [Yehova] ntarakarire ikoraniro ryose.” (Lew. 10:1-6) Ubutumwa buri muri ayo majambo buratomoye. Urukundo dukunda Yehova rutegerezwa kuba rukomeye kuruta urwo dukunda abo mu muryango bahemutse.

Ducukure ubutunzi bwo muri Bibiliya

(Abalewi 10:8-11)

w14 15/11 17 ing. 18

Dutegerezwa kuba beranda mu ngeso zacu zose

¹⁸ Kugira tube beranda, dutegerezwa gusuzuma Ivyanditswe twitonze maze tugakora ivyo Imana idusaba. Zirikana ivyerekeye abahungu ba Aroni ari bo Nadabu na Abihu, abishwe kubera ko bashikanye “umuriro utemewe n'amategeko,” kumbure bakaba bari baborewe. (Lew. 10:1, 2) Raba ivyo Imana yacyiye ibwira Aroni. **(Soma Abalewi 10:8-11.)**

None iyo mirongo yoba isobanura yuko dutegerezwa kutanywa icitwa inzoga imbere y’uko tuja ku makoraniro ya gikirisu? Rimbura ibi vyiyumviro: Ntitukigengwa na rya Tegeko. (Rom. 10:4) Mu bihugu bimwebimwe, abo dusangiye ukwizera baranywa utuyoga *dukeyi* bariko barafungura imbere y’uko baja ku makoraniro. Kuri Pasika harakoreshejwe ibikombe bine vy’umuvinyu. Igihe Yezu yatanguza Icibutso, yabwiye intumwa ziwe ngo zinywe ku muvinyu wagereranya amaraso yiwe. (Mat. 26:27) Bibiliya iriyamiriza kunywa birenze urugero be n’akaborerwe. (1 Kor. 6:10; 1 Tim. 3:8) Vyongeye, abakirisu benshi boshobora kwumva ko ijwi ryabo ryo mu mutima ritabemerera kunywa inzoga imbere y’uko bagira uruhara mu murimo mweranda uwo ari wo wose. Yamara rero, usanga ibintu bitandukanye bivanye n’igihugu, kandi igihambaye ku bakirisu ni “ugutandukanya ikintu ceranda n’icanduye” kugira bagume ari beranda kandi bahimbare Imana.

(Abalewi 11:8)

***it-1* 124 ing. 6**
Ibikoko

Ayo mategeko ajanye n’ibitari bikwiye gufungurwa yari yerekeye gusa abagengwa n’itegeko rya Musa, kuko mu Balewi 11:8 hagira hati: “Birahumanye kuri mwebwe,” ni ukuvuga ku Bisirayeli. Igihe Itegeko rya Musa ryahagarikwa kubera ko Yezu Kristu yapfuye akaducungura, nya mategeko yakuweho, abantu bose rero baciye babona ko bashobora kwungukira kuri ya ntunganyo Yehova yabwira Nowa inyuma y’umwuzure.—KI 2:13-17; It 9:3, 4.

Igisomwa ca Bibiliya
(Abalewi 10:1-15)

14-20 KIGARAMA

UBUTUNZI BWO MW’IJAMBO
RY’IMANA | ABALEWI 12-13

“Nugire ico wigiye ku mategeko yerekeye imibembe”

(Abalewi 13:4, 5)

***wp18.1* 7**

Yoba yarataye igihe canke ivuga ibintu imbere y’igihe?

• **Gushira ukwabo abarwaye.**

Rya Tegeko rya Musa ryasaba ko abanyamibembe bashirwa kure y’abandi bantu. Abahinga mu vy’ubuvuzi bamenye iyo ngo ngenderwako mu gihe c’ibiza vyadutse hagati y’ikinjana ca 5 n’ica 15 inyuma ya Kristu, kandi n’ubu iracakora.—Abalewi, ikigabane ca 13 n’ica 14.

(Abalewi 13:45, 46)

***wp16.4* 9 ing. 1**
Wari ubizi?

Aho ha mbere Abayuda baratinye indwara y’imibembe yo mu gihe cabo. Iyo ndwara iteye ubwoba yarashobora gutera udusunwa tw’udutsi nsozabwenge tw’uwuyirwaye bigatuma twononekara ubutakivayo n’isura yiwe igahinduka. Iyo ndwara ntiyavurwa. Abayirwaye bashirwa ukwa bonyene kandi bategerezwa kumenyesha abandi ko bayirwaye.—Abalewi 13:45, 46.

(Abalewi 13:52)

(Abalewi 13:57)

***it-2* 128 ing. 2**
Imibembe

Mu mpuzu no mu mazu. Imibembe yarashobora kandi gufata impuzu z’ubwoya canke z’ilino, canke ikintu gikozwe mu rushato. Ico cago carashobora kuva kuri ivyo bintu igi-

he babimeshe, hakaba hari intunganyo y’uko bica bishirwa ukwa vyonyene. Ariko basanze nya cago c’urwatsi rutoto rugomba gusa n’umuhondo canke rugomba gutukura carabandaniye, yaba ari imibembe ikaze. Ivyo bintu rero vyabwirizwa guca biturirwa. (Lw 13:47-59) Igihe mu ruhome rw’inzu kanaka habonetse ibicokwe vy’urwatsi rutoto rugomba gusa n’umuhondo canke bigomba gutukura, umuherezi yaca ategeka ko bishirwa ukwa vyonyene bigakumirwa. Hari n’igihe vyaba ngombwa ko barandura amabuye ari muri nya cago, iyo nzu na yo igakwaragurwa imbere muri yo hose. Ayo mabuye na nya budongo bahomoye baca baja kubisuka hanzze y’igisagara ahantu hahumanye. Bishitse nya cago kikagaruka, iyo nzu yaca isiturirwa hasi, ibiyigize vyose bagaca baja kubita ahantu hahumanye. Ariko umuherezi aramutse avuze ko nya nzu idahumanye, haca hatunganywa ivy’uko ityororwa. (Lw 14:33-57) Hari abavuga ko imibembe yafata impuzu canke amazu ishobora kuba bwari ubwoko bw’ifira, ariko ivyo nta kivyemeza gihari.

Ducukure ubutunzi bwo muri Bibiliya

(Abalewi 12:2)

(Abalewi 12:5)

w04 15/5 23 ing. 2

Ibikurubikuru vyo mu gitabu c’Abalewi

12:2, 5—Ni kubera iki ukwibaruka kwatuma umugore aba ‘uwuhumanye’? Ibihimba vy’irondoka vyari vyashizweho kugira ngo bitume haboneka ubuzima bw’umuntu butunganye. Ariko rero, kubera ingaruka z’icaha abantu barazwe, umwana yavuka yaba yavukanye ubuzima burimwo agasembwa n’icaha. Ikiringo gito c’‘uguhumana’ umuntu yamara iyo yibarutse be n’ibindi bintu nk’ukuja mu kwezi be n’ugusohora intanga, vyarabi-

butsa nya caha barazwe (Abalewi 15:16-24; Zaburi 51:5; Abaroma 5:12). Amategeko ajanye n’uguhumanurwa kwasabwa yarafasha Abisirayeli kwemera icese yuko bakeneye inkuka y’incungu kugira ngo ipfuke ibicumuro vy’abantu yongere igarukane ukutagira agasembwa kw’abantu. Gutyo, ivyagezwe vyababereye ‘umurezi abarera akabashikiriza Kirisitu.’—Ab’i Galatiya 3:24.

(Abalewi 12:3)

wp18.1 7

Yoba yarataye igihe canke ivuga ibintu imbere y’igihe?

• **Igihe co kugenyerwa.**

Itegeko ry’Imana ryavugaga ko umwana w’umuhungu akwiye kugenyerwa amaze imisi umunani avutse. (Abalewi 12:3) Mu mubiri w’inzoya, bivugwa ko ubushobozi amaraso afise bwo kuvura buba buri ku rugero rwiza inyuma y’indwi ya mbere. Mu bihe vya Bibiliya, imbere y’uko haboneka ubuhinga bwo kuvura bugezweho, kurindira indwi yose bwari uburinzi budasanze.

Igisomwa ca Bibiliya

(Abalewi 13:9-28)

21-27 KIGARAMA

UBUTUNZI BWO MW’IJAMBO

RY’IMANA | ABALEWI 14-15

“Abasenga mu kuri bategerezwa kuba abadahumanye”

(Abalewi 15:13-15)

it-1 258

Ukwiuhagira

Umugenzo wo kwiuhagira ku Bisirayeli muri rusangi, cari ikintu basabwa ku mvo zita-ndukanye. Umuntu wese yakize imibembe,

uwo wese yakoze ku bintu uwufise “urunyi-gimbe rwisuka” yakozeko, umugabo bishitse intanga ziwe zikisuka, umugore avuye mu butinyanka canke uwo wese ahejeje kurangura amabanga mpuzabitsina yaba ahumanye kandi yategerezwa kwiuhagira. (Lw 14:8, 9; 15:4-27) Umuntu wese yaba ari kumwe n’ikiziga mw’ihema canke yagikozeko, yaba ahumanye kandi yabwirizwa kwihumanura akoresheje amazi y’ihumanura. Hagize uwanka kwisunga iryo tegeko, dusoma duti: “Aze rero arandurwe ave hagati mw’ishengero, kuko azoba yahumanije aheranda ha Yehova.” (Gh 19:20) Birabereye rero kubona kwoga bikoresha mu buryo bw’ikigereranyo mu kwerekana ko umuntu atyoroye imbere ya Yehova. (Zb 26:6; 73:13; Yes 1:16; Ezk 16:9) Kwiuhagiza ijambo rya Yehova ry’ukuri, irigereranywa n’amazi, birafise ububasha bwo kudutyorora.—Ef 5:26.

(Abalewi 15:28-30)

it-2 753 ing. 4

Ubutinyanka

Umugore na we nyene yabonwa ko ahumanye igihe yaba amaze igihe kidasanzwe afise urunyi-gimbe rwisuka rw’amaraso canke “[avuye] igihe kirekire kuruta ic’ubuhumane bw’ubutinyanka bwiwe.” Ivyo vyatuma ibintu vyose yicayeko canke aryamyeko bihumana, cokimwe n’uwo wese abikozeko. Igihe urwo runyigimbe rudasanzwe rwaba ruheze, nya mugore yabwirizwa guharura imisi indwi akabona kuba uwudahumanye. Ku musi ugira umunani, nya mugore yaca azanira umuherezi intunguru zibiri canke inuma zibiri zikiri nto, na we akamutangira impongano mu gushikiriza Yehova imwe muri zo nk’ishikanwa ry’igicumuro, iyindi na yo nk’ishikanwa riturirwa.—Lw 15:19-30.

(Abalewi 15:31)

it-2 141

Ikibanza ceranda

2. Ya *hema y’ihuriro*, iyahavuye icika rwa *rusengero*. Ico kibanza cose uko cakabaye cari ceranda, ushizemwo ikigo ca ya taberena-kulo be n’ibigo vya rwa rusengero. (Kv 38:24; 2Ng 29:5; Ivk 21:28) Ibikoresho nyamukuru vyari mu kigo ni ca gicaniro c’ibimazi na ya besani y’umujumpu. Ivyo vyari ibikoresho vyeranda. Abantu badahumanye nk’uko vyasabwa n’itegeko ni bo gusa bari gushobora kwinjira mu kigo c’itaberenakulo igihe ico ari co cose. Muri ubwo buryo nyene, nta n’umwe yari yemerewe kwinjira mu bigo vy’urusengero ahumanye. Nk’akarorero, umugore ari mu bihe vy’uguhumana ntiyari akwiye gukora ku kintu na kimwe ceranda canke kwinjira mu kibanza ceranda. (Lw 12:2-4) Biboneka ko n’igihe Abisirayeli baba babandaniye kuguma mu buhumane, vyafatwa ko bahumanije itaberenakulo. (Lw 15:31) Ababa bazanye amashikanwa kugira bahumanurwe imibembe, ntibarenga kw’irembo ry’ikigo. (Lw 14:11) Nta muntu n’umwe ahumanye yashobora gufungura ku kimazi c’ugusangira kw’itaberenakulo canke ku rusengero adashaka urupfu.—Lw 7:20, 21.

Ducukure ubutunzi bwo muri Bibiliya

(Abalewi 14:14)

(Abalewi 14:17)

(Abalewi 14:25)

(Abalewi 14:28)

it-2 453 ing. 5

Ugutwi

Igihe Musa yatanguza ubuherezi muri Isirayeli, yategetswe gutora makeyi ku maraso y’impfizi y’intama y’iyatira akayashira kw’ibabi ry’ugutwi kw’ukuryo kwa Aroni no ku gutwi kw’umwe wese mu bahungu biwe,

yongerera ayashira ku kuboko kwabo kw'ukuryo no ku kirenge c'ukuryo. Ivyo vyarerekana ko ivyo bumva, igikorwa barangura be n'ingendo yabo bikwiye kwisunga ata guca ku ruhanda Ivyo Imana igomba. (Lw 8:22-24) Muri ubwo buryo nyene igihe umunyami-bembe yaba ariko arahumanurwa, itegeko ryasaba umuherezi gufata amaraso makeyi y'impfizi y'intama yaba yatanze nk'ishikanywa ryo kwagirwa n'icaha hamwe na makeyi ku mavuta yashikanywe, akayashira kw'ibabirya'ugutwi kw'ukuryo kw'uwo munyamibembe. (Lw 14:14, 17, 25, 28) Ikintu gisa n'ico turagisanga mu vyakorera umuntu yaba yashimye kuguma ari umushumba wa shebuja ibihe vyose. Ico gihe, shebuja yarazana uwo mushumba ku gishimariyango maze akamutobora ugutwi n'umugera. Kubera ko ico kimenyetso cibonekeza caba cashizwe ku gihimba gifasha kwumva, biboneka ko cerekana yuko nya mushumba yaba yipfuzaga kubandanya yumviriza shebuja abigiranye ukugamburuka.—Kv 21:5, 6.

(Abalewi 14:43-45)

g 1/06 14, uruzitiro
Ivyiza n'ibibi vy'ifira

IFIRA YOBA IVUGWA MURI BIBILIYA?

Bibiliya iravugaga ibijanye n' "icaga c'imibembe mu nzu," ni ukuvugaga mu bigize iyo nyubakwa ubwayo. (Abalewi 14:34-48) Hari abavugaga ko ico caga, icitwa kandi "imibembe ikaze," bwari ubwoko kanaka bw'ifira, mugabo ivyona ntakivuye gihari. Uko biri kwose, itegeko ry'Imana ryasaba nyene inzu gukuramwo amabuye arimwo ico caga, agakwaragura imbere muri yo hose maze ibintu vyose bike-tse ko vyanduye bagaca baja kubita hanze y'igisagara "ahantu hahumanye." Iyo nya caga kigarutse, iyo nzu yose baca bavugaga ko ihumanye, bakayisiturira hasi, bagaca baja

guta ivyari biyigize vyose. Ubwo buyobozi bwose budomako Yehova yatanze bwerekana urukundo rukomeye afitiye abasavyi biwe be n'ukuntu yitwararika ko bagira amagara meza.

Igisomwa ca Bibiliya

(Abalewi 14:1-18)

28 KIGARAMA-3 NZERO

UBUTUNZI BWO MW'IJAMBO
RY'IMANA | ABALEWI 16-17

"Ico twigira ku musi w'impongano"

(Abalewi 16:12)

w19.11 21 ing. 4

Ivyigwa dukura mu gitabu c'Abalewi

4 Soma Abalewi 16:12, 13. Niwihe ishusho y'ukuntu ibintu vyagenda ku Musi w'impongano: Umuherezi mukuru arinjiye mw'itaberenakulo. Iyo ni incuro ya mbere mu ncuro zitatu ategerezwa kwinjira Aheranda Rwose kuri uwo musi. Mu kuboko kumwe afise ikintu kirimwo amashi abiri y'imibavu imota neza, mu kundi na ho akagira ikintu c'inzahabu kirimwo amakara yaka umuriro. Arahagaze imbere y'irido rikingiriye urwinjiriro rw'Aheranda Rwose. Arinjira Aheranda Rwose abigiranye icubahiro cinshi, agaca ahagarara imbere y'isandugu y'isezerano. Mu buryo bw'ikigereranyo, ahagaze imbere ya Yehova Imana ubwiye. Uwo muherezi abigiranye ubwitonzi, aca asuka ya mibavu kuri ya makara yaka umuriro maze ico cumba cose kikuzura akamoto keza. Mu nyuma aha-va asubira kwinjira Aheranda Rwose ajanye amaraso y'ishikanwa ry'igicumuro. Urabona ko abanza guturira imibavu **imbere** yo gushikana amaraso y'ishikanwa ry'igicumuro.

(Abalewi 16:13)

w19.11 21 ing. 5

Ivyigwa dukura mu gitabu c'Abalewi

⁵ Ni icigwa ikihe dukura ku mibavu yakore-shwa ku Musi w'impongano? Amasengesho Yehova yakirira abasavyi biwe b'abizigirwa, Bibiliya iyagereranya n'imibavu. (Zab. 141:2; Ivyah. 5:8) Niwibuke ko umuherezi mukuru yajana imibavu imbere ya Yehova abigiranye icubahiro cinshi. Na twebwe, igihe dusenga Yehova tubigirana icubahiro cinshi. Turaken-guruka cane kubona Umuremyi w'isi n'ijuru atwemerera kumwiyegereza, nk'uko umwana yegera se wiwe. (Yak. 4:8) Aremera ko tumu-bera abagenzi. (Zab. 25:14) Turaha agaciro cane ako gateka ku buryo tutokwipfuzaga gukora ikintu na kimwe comubabaza.

(Abalewi 16:14, 15)

w19.11 21 ing. 6

Ivyigwa dukura mu gitabu c'Abalewi

⁶ Niwibuke yuko umuherezi mukuru yategerezwa kubanza guturira imibavu **imbere** yo gushikana ibimazi. Gutyo, yaba yizigiye ko yoshikanye ibimazi Imana imushima. None ivyo bitwigisha iki? Igihe Yezu yari kw'isi, hari ikintu gihambaye yategerezwa gukora imbere y'uko atanga ikimazi c'ubuzima bwiwe, kikaba mbere cari gihambaye kuruta gutuma abantu baronka ubukiriro. Ico na co ni igiki? Yategerezwa kubanza kugamburukira Yehova adahemuka ubuzima bwiwe bwose kugira ngo abone kwakira ikimazi ciwe. Gutyo, yobaye yerekanye ko gukora ivyo Yehova ashaka ari bwo buryo bwiza cane bwo kubaho. Yezu yokwemeje ko ubusegaba bwa Se, ni ukuvuga uburyo ategeka, ari bwo bubereye kandi bugororotse.

Ducukure ubutunzi bwo muri Bibiliya

(Abalewi 16:10)

it-1 242 ing. 3

Azazeli

Nk'uko intumwa Paulo yabisiguye, igihe Yezu yatanga ubuzima bwiwe butunganye ngo bube ikimazi ku bw'ibicumuro vy'abantu, yarakoze ibirenze kure n'iyi ivyakozwe n'"amaraso y'amashuri n'ay'impene." (Heb 10:4, 11, 12) Ku bw'ivyo yarabaye nka ya mpene 'yarungikwa mu gahinga,' mu 'kwi-remeka indwara zacu,' no mu "[gu]cumitwa azira ukugabitanya kwacu." (Yes 53:4, 5; Mt 8:17; 1Pt 2:24) 'Yaratwaye kure' ibicumuro vy'abo bose bizera agaciro k'incungu yiwe. Yarerekanye neza intunganyo Imana yashizeho yo kuzokuraho igicumuro ubutakigaruka. Muri ubwo buryo rero, impene yatangwa "ku bwa Azazeli" igereranya incungu ya Yezu Kristu.

(Abalewi 17:10, 11)

w14 15/11 10 ing. 10

Igituma dutegerezwa kuba beranda

¹⁰ **Soma Abalewi 17:10.** Yehova yategere-tse Abisirayeli kutarya "amaraso y'ubwoko na bumwe." Abakirisu na bo nyene basabwa kwirinda amaraso, yaba ay'igikoko canke ay'abantu. (Ivyak. 15:28, 29) Kwumva ko Imana 'izodushinga igitsure cayo' be n'uko izoturandura mw'ishengero ryayo birateye ubwoba. Turayikunda kandi twipfuzaga kuyigamburukira. N'igihe mbere tuba duhanganye n'ibintu bigeramira ubuzima, ntiturota dupfa kwemera ivyo abantu batazi Yehova kandi batitaho kumugamburukira badusaba gukora. Ego ni ko turitega ko badutyekeza baduhora ko twirinda amaraso, ariko duhitamwo kugamburukira Imana. (Yuda 17, 18) Ni igiki none kizodufasha 'kwiyezeza du-shikanye' kutarya amaraso canke kwirinda kuyaterwa?—Gus. 12:23.

Igisomwa ca Bibiliya

(Abalewi 16:1-17)

